

8. august 2019

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqqutit:

- 1. Fiskeskipperinngorniat allallu ilinniartut ilinniagaqarnersiutaat 1. august 2019-miit sooq 300 kr-nimik appartinneqarpat?**
- 2. Ilinniakkat sorliit aamma eqqugaappat?**
- 3. Tunngaviusumik inuussutissarsiornermik ilinniagaqartut aammalu ilinniarfinnut ingerlaqqittut ilinniagaqarnersiutaasa 300 kr-nimik nikinganerat sumik tunngaveqarpa?**
- 4. Tunngaviusumik inuussutissarsiornermik ilinniagaqartut aammalu ilinniarfinnut ingerlaqqittut ilinniarnerninnut aningaasanik atorsinnaanerannut pisinnaatitaaffii assigiinngillat, tamanna sumik tunngaveqarpa?**
- 5. Taamaaginnassappat imal. allannguisoqarnissaa Naalackersuisuni pilersaarutaava?**

(Inatsisartuni ilaasortaq Doris J. Jensen, Siumut)

Tunngavilersuut:

Ukiut siuliini 1. august 2019 tikillugu Imarsiornermi ilinniarfimmi Fiskeskipperinngorniat allallu ilinniartut 4.700 kr-ninik qaammammut ilinniagaqarnersiutisisarput. Maannali ilinniartumut pisortatigoortumik ilisimatitsissut malillugu 1. august 2019 aallarnerfigalugu Tunngaviusumik inuussutissarsiornermik ilinniagaqartut ilinniagaqarnersiutaat 300 kr-nimik appartinneqarput tassa 4.400 kr-nimut. Tamanna sumik tunngaveqarnersoq nassuiaasoqarnissaa kissaatigaara.

Takusinnaavara Konto pingaarnermi 40.02.06-imi Ilinniarnermi tapiissutit meeqqanullu tapit iluanni aalajangersakkat qanoq ittuunersut, paasiuminaatsipparali sooq taamatut appaasoqariasarnersoq.

Kissaatigaara apeqqutikka ullut suliffiusut qulit qaangiutinnginneranni akineqarnissaat.